



**Ioannis Tollenarii Brvgensis e Soc. Iesv Specvlvm
Vanitatis Sive Ecclesiastes Solvta Ligataq. Oratione
Dilvcidatvs**

Tollenaeer, Jean de

Antverpiæ, 1635

Metrica Paraphrasis.

[urn:nbn:de:hbz:466:1-68633](https://nbn-resolving.de/urn:nbn:de:hbz:466:1-68633)

METRICA PARAPHRASIS.

QVICVMQUE indomitæ necis

Prudens vulnera prospicis, diligenter

Et ludibria temporum,

Et sortis dubia vices.

Fusco examine pensas;

Si virtute præoccupans

Vitæ præcipitem fugam,

Mystes Iustitiae litas,

Et mystes Sophie litas

Casti cordis honore:

Vt post fata beatus

Vivat pars melior tui:

Et quidquid tumulo est super,

Heres fama per æthera

Vellit præpete pennæ

Tandem corde solutior,

Securusque operum Dei

Frontis nubila discute:

Iamdius quæ geris approbat

Summi Iudicis urna.

Cunctis didita ferculis

Cœnas gaudia condiant,

Et festas hilarent dapes:

Euge! quæ geris approbat

Summi Iudicis urna.

Euge! letitiae parens

Plena fusus amyctide

Curas dissipet Euhodus,

Quando quæ geris adprobat

Summi Iudicis urna.

Praeli

Præli munere splendidas
Promat arcula syntheses,
Omni festa nouans die,
Quando quæ geris adprobat
Summi Iudicis vrna.

Crinem tingat amaracus,
Spirent Sidonio genæ,
Stillent cinnama perpetim:
Euge! quæ geris adprobat
Summi Iudicis vrna.

Quis te, quis pauidò metu, aut
Tristi nube supercili
Coget rumpere gaudia,
Quando quæ geris adprobat
Summi Iudicis vrna?

Non te, si trifidâ face
Terras concutiat fragor,
Mentis deiiciat statu,
Quamdius quæ geris adprobat
Summi Iudicis vrna.

Ergo viue serenior
Cum charâ tibi coniuge,
Quam castis thalamis Hymen
Castis iunxit amoribus
Lectam è millibus vnam:

Blandi connubij memor
Vita siste volubilis
Dulci letitiâ rotam,
Cùm iam quæ geris adprobet
Summi Iudicis vrna.
Vita mobilis orbita
Quamvis nubigenâ face

Kkkk 2

Et

*Et pernicius alite
Vento præcipitet fugam,
Lætos exige Soles.*

*Quamvis vita reciprocis
Semper fluctuet æstibus,
Ut Phœbi instabilis soror
Torquet æquora Nerei ;*

Lætos exige Soles.

*Quamvis ludicra vanitas
Sit vita, ac tenuis vapor;
Soles exige candidos,
Quamdiu que geris adprobat*

Summi Iudicis vrna.

*Hæc sub Sole laboribus
Merce grata rependitur,
Mortalisque beatitas :*

*Quæ, dum carcere claudimur,
Vita tædia pensat.*

*Hac tu (dum tumuli memor
Te virtutibus excolis)*

*Quin fluctus animi domas,
Quando que geris adprobat
Summi Iudicis vrna?*

PROSA EXEGESIS.

Si quis huius temporis nouatorum illotis, ut dicitur, manibus, soccisque lutulentis in hunc sacræ Paginæ locum irruerit, is profectò iudicabit, aut Epicurum hic aliquem insanientis firæ sapientiæ candidatis præcepta tradere, aut Sardanapalum aliquem philosophari, qui hoc solum in lucro ponebat quod voluptati impenderat; cetera mortalium ne cassâ quidem nuce redimenda censem.